

Amikuze Iholdiko Kultur Astea gaur hasiko da Haurren Egunarekin


Haize Berri Kultur Etxearen inguruan obratuko dira ekintzak

Haize Berri Kultur Etxearen oinarritzko xedea den Amikuze eta Iholdiko kantonamenduaren kultur eta berpizte ekonomikoaren adierazgarri gertatuko da aurtengo Kultur Astea irailaren 21etik 29ra arte. Biduztarren Eguna Donapaleun bilduko du jendea bihar.

LETXEZAHARRETA / BAIONA

Duela hamar urte Su Garak elkarrekin bideratu zuen lehen aldiko Kultur Aste bat Amikuzen. Geroztikako hutsunea bete nahi du aurtengo Asteak. Geroztik hargatik 'kulturen' definizio eta zergatiak gogoe-tak sakondu dira eskualdean. Haize Berri Kultur Etxearen funtsa, ekonomia eta kultura elkarrikeren garatzea, elkar laguntza batean ardatz argia izan zen, sortu zen garaian, duela 8 urte.

Daniel Arbeletxe, Haize Berriko lehendakariak aurtengo egitaraua aurkeztean, alde batetik «urtean zehar egiten diren ekintzen bilduma» egin nahi da Astea, baina ere «lotura zehatza delako kultura eta ekonomia-aren artean», eskualdeak bizi dituen kezkek sartuko dira.




Daniel Arbeletxe, Haize Berriko lehendakaria.

Gaur eta biharko egitaraua

Larunbata 21: Haurren Eguna Izurur. Amikuze Iholdiko haurrak, 700 orotara, gomit dira Izururako plazara. Dantza baten ondoren jokoak eta askari bat.

Igandea 22: Biduztarren Eguna eta Toberak Donapaleun. 11.00etan dantzarien eta karro apainduen ibilaldia. Bazkaria eta Toberak 15.00etan.



Gorritiren lanek estreinatuko dute kultur etxea.

CARLOS VILLAGRAN

Juan Gorritiren erakusketa Lekunberriko Mintxasenean

IRUNEA

Juan Gorriti artista larraundarra-
ren obraren erakusketarekin atzo ire-
ki ziren lehenengo aldiz Lekunberri-
ko Mintxasenean Kultur Etxeko
ateak. Hilabete bat iraungo duen era-
kusketa honek interes handiko lanak
jasoko ditu: euskal altzari herrikoiak,
pinturak eta irudiak. Gorriti 1942ko
uztailaren 7an jaioa da Oderitzan.
Azken hamabi urteetan Arriben bizi
eta lan egin badu ere, orain arte ez da
inguru honetan bere lanik aurkeztu,
baina zenbait erakusketa egin ditu
Donostian, Baionan eta Uitzin.

Batzarre etxe-tailerrean egiten du

lan eta bereziki, egurrean egindako
esku-lanetan saiatzen da. Zura,
zuhaitzak, lurra eta sustraiak dira be-
re obraren azalnak. Mintxasenean
orain arteko lanaren sorta bat aur-
kezten du: altzariak, koadroak, egu-
rrean egindako irakaskuntzako kon-
posaketak... dena multzo bakarra
izanik. Artista honek erdibitu ezin
daitekeen konzeptu bakar batez bati
du bere obra. Aralarri, aintzineko
ohiturei eta gure inguru osoari dion
maitasuna argi azaltzen da lan haue-
tan. Lan Kide Aurrezki Kutxaren ba-
besarekin, Larraungo Udalak anto-
latu duen erakusketa urriaren 20a
bitartean ikusi ahal izanen da.

Arrueren obretaz liburu ederra Baionan

L.E. / BAIONA

Frantziako Kolekzio publikoetan
dauden Ramiro Arrueren obretaz, li-
buru-katalogo gotor bat argitaratu
berri dute Baionako Euskal Erakus-
tokiak eta J D Miarrizteko argitalet-
xeak. 328 orrialdeetan, 23 x 28 cm
neurritan, 106 kolorezko margo eta
250 zuri beltzezkoak dauzka. Salgai
da 320 liberetan (6.400 pta) edo 350
liberetan postaz (7.000 pta) J D Ar-
gitaletxean (18 Folin karrika 64.200

Miarritze). Jose Garmendiak argita-
ratu Arrueren biografiatik ondoren,
lehen liburu nagusia da honen obre-
taz.

Baionan Ducéré Aretoan dagoen
erakusketaren katalogo ofiziala egi-
ten du argitalpen honek. J D Ar-
gitaletxeak kalitate oneko liburuak pla-
zaratu du 2.000 alerekin. Liburuak
400.000 libera (8.000.000 pta) kosta
da.

Bilbon 1892an sortua eta Doniba-
ne Lohizunen duela hogeitau urte hil zen

Ramiro Arrue gero ta preziatuagoa
da Ipar Euskal Herriko erosleen arte-
an eta bere obrak garestitzen ari
dira. Euskal Herriko argia eta kolo-
reak hain pertsonalki interpretatu zi-
tuenaren ezagupen on baten egiteko
aitzakia ematen du liburuak. Ikuska-
rietako artista bat izan zelako probak
ere dakartzigu: opera batzuen jantzi
bazterren maketak, ilustrazioak, kar-
telak egin zituen. Prestakuntza lanek
ere interes handia daukate liburu ho-
netan.

Desmond Dekker, Reincidentes, Bad Manners eta Su ta Gar Abetxukon

L.K.G. / GASTEIZ

Gaueko 9etan, Abetxukoko Mai-
tzaren Lehena Plazan, 'Gerraren
Aurkako Kontzertua' izango da
gaur, Desmond Dekker, Reinciden-
tes, Bad Manners eta Su ta Gar tal-
deek eskainita. Gasteiz ondoko herri
honetan egingo den festibala ikus-
teko sarrera 800 pezetako da (40 li-

bera). Kontzertu honetatik bideo-
zinta eta maketa bat grabatuko dute.


Reggae musikaren aitzindarietako
bat dugu Desmond Dekker, 50 ur-
teko jamaikarra. Bob Marleyk berak
adiskide izan zuen Dekker, eta Eus-
kal Herrian dagoen reggaerekiko za-
letasuna kontutan hartuz, gaurko
kontzertuaren ikuskari nagusi bihur-
daiteke.

Hamaika urtez ska egiten eman
duen Bad Manners taldea ezaguna-
duen dugu gurean. Dena den, kon-
zertu askotxo eman arren, erakarga-
rri suertatzen dira beti zuzenean du-
ren indarra eta. Reincidentes sevilla-
rra, bestalde, Euskal Herrian sarri jo-
duen taldea da eta Gasteizko publi-
koak ederki ezagutzen du bere
punk-rock boteretsua.

Azkenik, Su ta Gar talde heavy
euskaldunaren 'Basati Jaiotzea'
diskoa entzuteko aukera izango da,
diskoak entzuteko aukera izango du-
guzkoarrok egiten dituzten kon-
zertu gogorretako batean. Hauxe da
beraz Mikelin 1991ko Jaietako es-
kaintza bestelakoa: reggae, ska,
punk-rock eta heavy.

DEUSTOKO UNIBERTSITATEA DONOSTIAKO EGOITZA - E.U.T.G

FILOSOFIA ETA LETRETA KO FACULTATEA



BALIABIDE
KULTURALEN
ESPEZIALITATEA


Egin nahi duten Lizentziadun edo Diploma
dunei jakinerazten zaie:

MUNDAIZ BIDEA, 50
DONOSTIA
TFNA. 27 31 00

Matrikula epea zabalik dagoela

DEUSTOKO UNIBERTSITATEA DONOSTIAKO EGOITZA - E.U.T.G

FILOSOFIA ETA LETRETA KO FACULTATEA



• HISTORIA
• FILOLOGIA HISPANIKOA
• EUSKAL FILOLOGIA

Lizentziatura ikasketak hasi nahi duten
ikasleei jakin erazten zaie:

MUNDAIZ BIDEA, 50
DONOSTIA
TFNA. 27 31 00

Matrikula epea zabalik dagoela

LIBURUAK

Hontza
Okendo, 4 - 20004 DONOSTIA
Telf: 42 82 89 / Faxa: 43 12 56